

欽定剿平三省邪匪方略

欽定剿平三省邪匪方略正編卷二百四十三

辛酉年

三月十一日

丁亥

書麟長齡明亮奏言

臣

等分路

兜剿徐逆大股賊衆及戴家營之胡崔楊各逆

全數逼向西南山內

臣

書麟因苟李二逆已向

歸巴一帶狂竄并據獲犯供稱要想逃回川省

之語當卽飛飭巴東守卡員弁嚴密防堵旋據

興山縣知縣朱宗騰稟稱據七連坪武生張榮

卿王兆麟等稟稱賊匪由小路潛撲該寨該生
等督率義勇截堵相持半日鎗礮齊發擊斃賊
匪數十名賊匪退由相坪小路翻山西奔已奔
至興巴交界之解家壩一帶而去似有入巴東
長峯回川之勢又據同知尹英圖遊擊孫效前
巴東縣知縣馮振鷺等稟稱探報苟李二逆由
七連坪龍門河分竄已焚搶至郎垭伍家坪獅

子堦有直竄龔家橋之勢距卡不遠又探得龍門河一帶距卡三十里長嶺上有小路一條險峻幽僻賊人若從此處偷越可以直從夾板溪出平陽壩攻我全卡尹英國挑派軍功武生李登榜軍功徐陞等帶領鄉勇六百餘名由夾板溪直至穿心洞扼住果有賊探馬隊一百餘人步隊二百餘人偷過龍門河佔踞長嶺見我兵

驟至乘勢下壓軍功徐陞向元龍易友坤首先
帶勇衝上仰攻武生李登榜朱承鵬黃飛鵬軍
功朱良一彭秀劉發率衆繼進賊人馬隊四面
衝突當被鎗擊五十餘人滾落山下時已昏黑
賊人抵死抗拒相持一夜並有殺傷次日天色
微明後隊之賊已至約共一千三四百人排立
嶺上分出馬步二隊約四五百人齊力直衝當

經恩施縣鄉勇王有貴將騎馬先來之賊一矛
直透胸後身死鎗手擊斃馬賊數十餘人賊人
因必得攻克此路可以進卡肆擾愈加兇橫該
軍功鄉勇亦奮擊不遺餘力正在萬緊之際遊
擊孫效前督令軍功武生譚殿元文生金校軍
功黃登信姚承習等已到該處帶領各兵勇鎗
礮齊施層層攻進復殺賊一百餘人賊人不能

抵敵貯下長嶺竄入東西二溝我兵盡力追殺
復殺賊入九十名該匪折回原路有上九道梁
之勢距卡漸遠等情

臣

長齡明亮等前在南漳

剿敗該匪之後緊蹣跟追行抵遠安確探賊衆

大隊奔竄興山梨子坪其探馬已到石槽溪有

竄近東湖霧渡河之勢

臣

等既恐該匪大隊折

竄北面又須兼顧東南正深焦灼當卽從楊坪

適中前進適值臣書麟派令孫清元吉林泰由

百福頭帶兵前來會合又據探報賊匪分竄高

龍寺蔡豕冲一帶查該匪探馬雖向東南其大

隊尙屯四北設一折回卽係南保大路北面尤

爲綦重臣長齡等與孫清元吉林泰再四籌商

當令孫清元吉林泰帶兵由遠安抄至霧渡河

一帶以紮賊匪東竄之路臣長齡等由百福頭

馬良坪水月寺等處自北面而南遏剿兩路官兵分投競進自可夾擊合攻隨於二十五日

臣

長齡等以帶奮勇馬步官兵一千三百餘名由

大樹埡鮑子洞昌兩前進二十二日行抵店子

埡擒獲哈喇探賊匪訊稱徐逆等均在尹家坪水

月寺一帶屯聚數十餘里因連日下雨不能行

走多在瓦屋內四散躲雨等語

臣

長齡帶領侍

衛花尙保總管徹布登副前鋒統領希昌阿委
叅領托克圖委官青山都司姜元祥王占鰲守
備陳明等直撲中路臣明亮帶領侍衛富翰總
管都當阿協領觀成叅將黃定選遊擊常澤都
司胡報國守備陳應彪等由西溝抄擊並派千
總楊永順驍騎校武爾滾布把總麻光裕黃興
龍等各帶鄉勇繞前山口埋伏適值雨勢漸小

分投競進鎗礮齊發衆賊慌亂不能抵敵立殺
二百餘名追殺二十餘里逼近賊衆大隊該匪
吶喊排立捨命抵禦持矛蜂擁衝撲官兵因山
道泥濘步兵不能得力

臣

長齡明亮等親率馬

隊左右衝擊賊衆大潰復斃賊三百餘名該逆
等大隊奔及山口經先派之楊永順武爾滾布
等出其不意從溝內奮勇衝出刀砍矛戳立斃

賊匪一百七八十名餘匪亡命奔逃楊永順等
見有年老賊目衆匪擁護而逃必係緊要首逆
所帶鄉勇本爲超健首先分投緊追復夥賊匪
一百餘名生擒一百八十三名並將年老賊目
一併擒獲乘隙散出男婦三百餘人搶得騾馬
七十四頭匹刀矛旗幟甚多該匪向水月寺山
內遁逃時已酉刻大雨連綿未便窮追官兵只

可暫紮當訊獲賊內有姚光中孫發祥二名係
執旗頭目供稱徐添德大隊紮在淡江尹家坪
一帶直至水月寺張允壽李元帥紮在店子塢
對面房屋內正在商議聞得官兵又向西走我
們邀同徐添德直從南漳下襄陽若官兵折回
追趕又可往荆門一繞馬兵亦再不能趕上本
月間白藍青三號與徐添德張允壽會合又有

黃號亦來合夥共有一萬餘人官兵東追西趕
逃散千餘人連打三回敗仗又折二千餘人此
時三營不過六七千人今日天雨不料官兵到
來等語當將該二犯寸磔並有黃正魁一犯年
已七十餘歲身帶箭矛各傷甚重不能取供惟
自認係老教首不諱亦卽轢割內有從賊最久
殺人放火者八十三名一併正法其餘李子彬

等均係被擄人民並散出難民併交同知阿霖
分別遠近給與路費妥爲安插辦理此次打仗
兵勇間有傷亡者容俟查明咨部辦理

臣

書麟

並接孫清元吉林泰來信於二十七日趕抵東
湖探聞賊匪在高龍寺紙舖談家壩一帶卽於
是日五鼓帶兵進剿該匪見有官兵俱向西南
半壁壩大峽一帶狂竄查該處卽可由興山而

入房保該匪現在分股掠食又欲牽綴官兵或
卽前奔或繞道折竄均未可定查霧渡河實爲
東湖當陽荆門扼要門戶現在卽由霧渡河一
帶跟蹤追剿絕其東趨之念逼至西向以期兩
面夾擊等語臣書麟因勒保知會雲開等縣賊
匪勢蹙東趨本在川楚邊界督率侍衛呢瑪善
副將朱士奉叅將曹星等分股堵截竄近餘匪

隨時殲戮不使一匪竄入並據探報提督七十
五總兵薛大烈分水陸兩路抄至奉節巫山等
縣截剿擒斬甚多餘匪潰散自可無虞竄入楚
境現據保康縣知縣楊開鏡稟報初一日辰刻
徐張二逆馬步頭股賊匪由該縣之歇馬河快
活嶺奔竄該令督率各寨嗣義勇分段堵截聯
絡聲勢該匪不敢由北路行走已刻卽折向西

竄已至歐家店其勢由壽陽柏木坪入房縣賊

匪大隊尚在後界坪龔坪等處俱係興山地方

至賊尾尚在東湖界內等語

臣

書麟卽帶領官

兵折回房縣探迎截剿以期三面有兵仰仗

天威或可卽爲蕩事再二月二十八日接據署均州

事吳文璟稟報賊在均房交界分竄滋擾當經

督勵鄉勇設卡堵禦旋據鹽池河鄉勇首領楊

賀忠等稟稱賊匪攻撲太平寨時有奉派巡防之首領王漢雲等帶領兵勇跟蹤追剿當經前後夾攻施放鎗礮擊斃馬步賊匪二十四名內有身背包裹騎馬賊一名捨命狂奔被鄉勇殺死解看包內係宜昌鎮印信一顆鄉勇陣亡十一名等情該署州隨卽馳赴該處查看實係嘉慶四年八月十一日賊擾時遺失湖廣宜昌鎮

總兵官關防並無殘缺賊匪見兵勇勢盛卽行
遠竄所有奮勇殺賊之鄉勇該署州先行分別
獎賞宜昌鎮關防帶回州城封固貯庫等情當
卽飭令該署州將宜昌鎮總兵關防解送襄陽
並飭安襄鄖道依精阿查驗屬實再行移交藩
庫以便咨部請銷奏入

上命軍機大臣傳諭書麟長齡明亮曰此次書麟等

分投剿辦徐張苟李等逆連日接仗前後殲擒賊
匪一千餘人未令竄越巴東邊卡所辦俱好惟首
逆徐添德及張允壽苟李等逆未能擒獲一人尙
在楚省奔竄必須上緊殲除方可肅清楚境前因
著名首逆徐添德王廷詔高二馬五高三於諸賊
中最爲兇悍特懸重賞旋據德楞泰奏報在陝省
殲戮高二額勒登保奏楊遇春一路生擒首逆王

廷詔是首逆五人中陝省已殲擒二名其高三馬
五二逆現經長麟楊遇春截剿勢甚窮蹙日內卽
可成擒惟徐添德一犯尙在湖北竄匿日久未能
殲獲書麟等可不加倍奮勇乎試思長齡到楚不
及一載未曾殲一首逆祇因其帶兵剿賊屢有勝
仗卽陞授湖北提督明亮近日帶兵頗知振奮亦
已擢爲總兵書麟到楚以來疊加賞賚昨又因捐

廉助賑給子加級伊等並無勞績出衆之處朕已
如此加恩若能將徐添德尅日殲擒其功甚大不
但官員兵丁等照前旨陞賞書麟等亦必加恩給
予世職該督等惟在確探賊蹤指示將領官兵設
法擒捕無論何人出力擒賊伊等皆屬有功現在
賊匪旣不能竄越巴東向房保西竄書麟已帶兵
折回與長齡明亮三面攔截更可乘此賊勢潰敗

之時速將首逆殲擒同膺懋賞伊二人皆多年宿將歷練老成何必專待經畧叅贊入楚方可成功耶至同知尹英圖遊擊孫效前督率軍功鄉勇奮力截賊多有斬獲著交部議敘鄉勇王有貴等持矛戳斃騎馬當先之賊實屬奮勇著卽拔補外委若不願出仕卽著以頂戴榮身又所奏殺死騎馬賊匪搜獲宜昌鎮總兵印信之鄉勇著該督查明

姓名賞給外委以示獎勵

同日勒保奏言

臣

接據託雲泰報稱自從雄板

檣彭家山兩處剿殺樊冉等股餘匪之後因此

起賊匪止在老林內零星散竄或數十人或一

二百人遇兵卽逃頗難搜捕二十三日師次沙

壩場探有賊匪二三百人潛匿沙光子地方託

雲泰先派都司孫斯禮等帶領兵勇由張湖山

繞出賊前埋伏該鎮卽督同叅將李芝榮等由
白馬廟進發詎賊知兵來先已竄遁我兵追至
觀音巖山頂將賊奮力撲壓下山卽值伏兵衝
出兩面截殺殲斃偽先鋒李應圭並賊匪一百
二三十名生擒偽總兵趙士良總旗號王發祥
並活賊八十四名大小旗十六面鎗矛一百三
十六件牛馬九頭匹訊據趙士良供稱係苟文

明手下餘黨本有一百餘人在老林藏匿近有
冉添泗股內馬總兵李先鋒二人在苑家山被
官兵打散因冉元帥樊掌櫃等不知下落馬總
兵等帶有百餘人到渡口岩與趙士良合夥現
在李先鋒已被殺斃馬總兵不知逃往何處等
語又據太平文武稟報樊人傑王國賢等只剩
二百餘人由雞鳴寺竄至古劍坪攻撲八台山

之白岩寨經寨首魏復虔等率領團勇用滾木
壘石打死探馬五匹戰手四十餘人生擒探馬
頭孫富章并自行投出者三十一名尙剩百餘
名向干江河竄去臣查此一帶俱係老林並因
湯思蛟等尙在圍城遊奕當卽飭令託雲泰帶
兵馳往搜捕并諭令該處各洞寨團勇如果能
將此等零星賊匪協力殲除並將首逆擒殺定

當從優獎賞再據七十五報稱陳魏等逆向太
平白沙河奔竄連日行走甚速正在帶兵追剿
間二十七日紮營爛池子地方二更後忽有賊
匪四五百人由梅子關竄來冒雨分撲營盤均
經擊退惟都司羅思舉所帶頭卡鄉勇被賊撲
進傷亡十餘名經都司閻俊烈帶兵殺退殲
賊匪三十餘名生擒劉有白等四名據供此股

賊匪係湯思蛟共有千餘人向在太平大寧老
林往來藏匿因難以掠糧近由團城竄來欲向
溫湯井一帶擄掠探知爛池子紮有營盤湯元
帥說趁此雨夜官兵必不隄防所以派五百人
來撲營盤等語七十五於次日探知此股匪衆
已連夜折竄馬家營老林先應追剿陳魏等逆
是以仍由太平一路進發臣現又飛飭託雲泰

令其由馬家營探剿湯逆股匪毋任竄出蔓延
至楊遇春追剿高三馬五等逆來川節據川北
地方官稟報由廣元之水磨壩至南江之栢林
坪陳家峽等處運供軍糧無悞因通江一帶團
寨堵禦甚嚴賊匪折竄西河口楊遇春卽由西
鄉南鄭追賊回陝現據探報連得勝仗擒獲首
逆是高三馬五等股之賊旣未深入川境卽可

毋庸兼顧北路連日春雨霑足白水嘉陵兩江驟長水二三尺則江防亦可放心

臣

昨至新寧

適阿哈保病愈來營仍令其與薛大烈一路帶領頭敵馬步官兵一同前進現在陳朝觀等股餘匪已由東鄉泥溪溝竄至趙塘壩有入通江之勢

臣

卽日督兵馳往迎截并知會七十五趕

緊追躡兩面夾攻以冀將此股竄匪先行殲淨

早慰

聖懷再前此殲斃首逆徐萬富王士虎所有在事出力人員謹就其實在起衆者擇取數員註明勞績開具清單恭呈

御覽可否仰懇

逾格鴻慈卽予獎賞抑或俟大功告成再予加恩之處伏候

聖裁奏入

上命軍機大臣傳諭勒保曰川東陳魏樊冉等股竄
匪經託雲泰等帶兵剿殺先後斃賊一百一三十
名生擒賊八十餘名及偽總兵偽先鋒等所辦尙
好惟樊人傑一股剩有二百餘人在古劍坪攻撲
白岩寨茲經官兵剿敗祇剩有百餘名爲數無多
此次仍未能將餘逆殲除並將樊逆生擒殊爲可

惜前因著名首逆徐添德王廷詔高二馬五高二
於諸賊中最爲兇悍特懸立重賞此五逆中有能
殲斃一名者官員卽加二等陞擢兵丁卽超補守
備並賞銀二千兩其餘如樊人傑冉學勝龍紹周
臨陣殲擒一名官員加一級陞擢兵丁卽拔捕千
總賞銀一千兩自降旨以後旋據德楞額奏勒登
保先後奏報將高二王廷詔擒殺俱照前旨陞賞

若勒保等一路官兵能將樊逆擒獲卽當照前旨一體陞賞勒保惟當督飭專辦此股之託雲泰並曉諭該處寨勇等乘賊匪殘敗之時趕緊剿辦悉數殲除務將樊逆擒獲或臨陣殲斃毋令該逆奔竄日久又致多有裹脅其川東各股竄匪經勒保督飭官兵分投剿捕未令深逸入川勒保自可毋庸兼顧惟該省江防最爲緊要雖據稱白水嘉陵

兩江現經春雨連綿水勢驟長二三尺但仍恐有零星賊匪乘間偷渡總宜隨時留心督飭防江文武加意巡防不可因江水長發稍有疎懈

上諭內閣曰勒保奏軍營實在起衆出力員弁兵勇等註明勞績懇恩獎賞現在大功指日告成自應特沛恩施以示鼓勵副總管巴圖魯傅森額著賞給額外總管驍騎校那彥泰著賞戴花翎都司羅

思舉著賞給蘇勒芳阿巴圖魯名號額外藍翎長
海靈阿副前鋒校奇成額俱著賞給額外前鋒校
外委桂天元披甲佛朔爾披甲委官色爾古慎前
鋒委官額勒經額貴州兵丁保芝歡王得先伍國
祥朱正華陳永勝鄧洪先四川兵丁王登高袁文
仲馬士榮何永壽胡定興薛文魁馬永陞鄉勇張
貴王良才李得勝楊大剛等俱著賞戴藍翎

同日

上諭內閣曰楊遇春前在副將任內丁憂時經惠齡等奏請仍留軍營帶兵彼時楊遇春職分尙小亦未著有勞績當准其留任未經別有加恩嗣因其帶兵打仗屢著軍功是以洊陞總兵簡用提督茲楊遇春已屆服滿兵部照例題請實授因思伊兩年以來身歷戎行未能回籍經理喪葬殊堪軫念

著揚揆於藩庫內撥銀三百兩賞給楊遇春原籍家屬以資費用並著勒保將恩旨傳知該提督令其無須分心家務惟當倍加感奮剿賊立功俟軍務告竣卽當賞假令其回籍省視墳塋以示體恤

十二日

戊子

長麟奏言竊

臣

由沔縣帶兵入甘距

賊七百餘里賊匪奔走迅速晝夜不停

臣

趕抵

甘省之太陽寺據報賊匪已由秦州屬之白楊

渠地方竄過渭河以北查渭河以北如甘省之
清水華亭隆德及陝省之汧陽隴州等處均係
賊匪屢次滋擾之區堡寨完固鄉勇衆多尙可
無慮惟該匪或由靈臺一帶竄往涇州卽可直
入陝省長武縣之北面大山又可由隴州汧陽
竄往陝省北山榆林府一帶查陝省北山一帶
自軍興以來從未破賊滋擾必須趕緊兜截將

賊匪逼回渭河以南庶易剿辦惟

臣

由秦州趕

過渭河以北時賊匪已竄至靈臺縣境相距尙

有三百餘里

臣

鼓勵兵勇連夜兼程竭力窮追

詎三十初一等日山內嚴冷異常兼以狂風大

雪連日不止兵勇凍斃十數人

臣

及文武各員

率皆被凍成疾但軍情緊迫

臣

仍卽設法鼓勵

冒雪衝寒加緊趨行計每日行走一百三四十

里至一百五六十里不等由華亭隴州一帶抄
截並派副將蕭福祿等帶領兵勇由崇信涇州
一帶兜截該匪見有兩路官兵抄出其前不敢
徑行北竄又折向汧陽高崖等處狂奔

臣

當又

飛札藩司王文湧趕赴汧陽堵截知府崇祿知
州蕭光浩趕赴隴州之花花廟等處堵截該匪
治由寇家河新街子一帶入溝向南奔竄

臣卽

帶領兵勇自北向南兜剿奔馳兩晝夜除每日
一食及露處片刻之外並不稍停初五日追至
秩田池地方距賊不過四十里正在催兵疾馳
前進間該匪探知官兵追近卽馳馬奔至河岸
先有一千餘人乘騎淌渡南岸胡家店地方其
餘八九百人將前起過河之騾馬牽回亦卽一
擁竄過南岸

臣

所帶馬隊僅有九十餘人其餘

均係步行兵勇比及追至北岸已在二更以後水深且溜步卒實在不能淌渡現在已於初六日繞至營頭鎮地方踴淺過河距賊不及二百里務期剋日趕獲痛加殄戮奏入

上命軍機大臣傳諭長麟曰長麟奏賊匪竄過渭河北岸分兵兜截仍逼過渭河以南雖未能痛加殲戮較之任賊在北岸肆擾自爲差勝賊匪旣從甘

省折回奔竄該處沿途卡隘豈無專員防守何以
任其竄過渭河北岸又復乘騎渡過南岸如此往
來自如殊不可解前此長麟曾奏明逐段設卡豈
於此處獨無人防守乎若曾派有專員不能攔截
應查明嚴叅治罪以示懲儆至閱摺內所稱追賊
情形晝夜奔馳日祇一食於露處片刻之外不稍
停留在長麟固已不遺餘力然總未趕上賊匪接

一勝仗日事奔逐徒勞何益現在距賊不及二百里務當迅速趕上設法攔截斷不可令其竄回陝境尤不得任其竄入南山必須卽在該處奮力截擊不可再有遲緩勉之望之再所稱三十初一等日狂風大雪兵勇凍斃十數人著長麟查明咨部照軍營陣亡例賜卹至長麟及文武各員被凍成疾諒早經痊愈亦著遇便覆奏

十五日

辛卯

長麟奏言竊

臣

在渭河以北追賊時

聞陝西汧陽縣有新起賊匪一股約二千餘人

勢頗猖獗在汧陽縣屬之武家半山子屯紮

臣

以現追冉逆不克分身隨密札副將蕭福祿帶

領將備兵勇二千餘名連夜趕赴汧陽偵探虛

實相機剿辦初八日接據蕭福祿報稱初五日

二鼓後趕至汧陽縣交界之新集地方正在探

聽虛實適接藩司王文湧署鳳邠道陳學穎來
信內稱汧陽縣新起賊匪於初五日午刻在武
家半山子上屯聚首逆武振關車舉鼎趙興宗
邢三德等四名夥賊二千餘名汧陽令祝大澄
帶領壯勇將首逆武振關擒住賊衆抗拒王文
湧帶領鄉勇前往接應衆寡不敵未能得手鄉
勇間有傷亡請兵往援蕭福祿接信後刻卽整

隊飛行前進於初六日午刻趕抵武家半山遙
見山上賊匪分布陣勢淮備拒敵蕭福祿先令
兵勇搶上對面山梁看明地勢當卽派令遊擊
張聯奎都司劉伏守備狄廷杰五品軍功譚恩
六品軍功張鈺趙經邦由後路山梁取道進攻
守備金玉彙張聯甲把總沈培帶同六品軍功
劉文魁繞至左首溝內取道進攻遊擊馬忠宋

鉞守備張應昌達生潮李會元由右首溝內取
道進攻遊擊米章守備朱保馬進武生蕭福真
帶領馬隊由對面進攻蕭福祿四路督催各兵
勇仙攻直上詎賊匪亦卽分列四路迎敵兼以
滾木壘石勢如雨下我兵奮力仰攻賊匪依恃
山險毫無畏懼並見有騎馬賊目數人來往催
陣蕭福祿當令左首兵勇停止鎗礮暫緩進攻

使賊匪不知防備以便我兵乘勢搶上山梁賊
匪果將鎗礮撤赴右首及後路迎面施放拒敵
左首僅有水石推落亦不甚緊蕭福祿卽令左
首將備兵勇猛開鎗礮一擁齊上並令先拏騎
馬賊目張聯奎六品藍翎軍功馬士貴將騎馬
首逆車舉鼎生擒劉伏狄廷杰將賊目王忠義
生擒五品軍功譚恩六品軍功張鈺將賊目趙

魁生擒張聯甲六品軍功趙經邦將首逆趙興
宗生擒把總沈培將賊目武敬生擒武生蕭福
真將首逆武振關之子武克祥生擒衆匪登時
散亂我兵四路齊撲搶上山梁立斃賊匪一千
餘人生擒一千二百五十九名口滾崖跌斃三
四百名口奪獲大礮五尊各色旗幟九百餘件
鳥鎗刀矛鎌斧一千餘件已將此股賊匪剿滅

淨盡當於酉時撤兵下山會同藩司王文湧署
鳳邠道陳學穎鳳翔府崇祿進城安撫百姓並
令兵役曉諭此股賊匪已經剿滅所有從逆之
親戚隣佑並不苛求爾等毋庸妄生疑懼但須
守分各安生業百姓聞諭俱各寧帖當將生擒
賊匪一千二百餘名口交王文湧等分別審訊
蕭福祿於初七日仍在汧陽縣彈壓初八日自

汧陽起身趕至大營

臣

現在帶兵日夜奔馳行

走無定應請將各犯審明卽由陸有仁定擬具

奏至汧陽縣祝大澄平日旣無覺察及該匪於

初五日佔據山梁時

臣

相距汧陽不過百有餘

里並未接該縣稟報實出情理之外相應請

旨將知縣祝大澄革職拏問亦由撫臣陸有仁併案

審擬再

臣

所追之冉逆賊匪於初七日竄至鳳

縣屬之唐藏地方

臣

趕緊抄截該匪又於初八

日由廢邱關竄入碑亭溝可由黑河沔縣畧陽

一帶入川額勒登保因恐

臣

兵力較單已派總

兵楊奎猷帶兵趕來幫同剿辦不致任其他竄

長麟又奏言據署寶雞縣李承道稟稱訪聞縣

民王延楊居等聚眾糾約從賊李承道於初三

日五鼓親帶壯勇前往查拏各犯恃眾抗拒李

承道竭力攻堵將各犯逼入窖內無路可走自行放火燒斃賊匪五人餘匪冒火衝出當卽拏獲首夥匪犯王延楊居等二十五名並起獲旗幟刀矛騾馬等件逐加究訊據供欲於三月初六日往汧陽縣與車舉鼎合夥臣恐逆匪車舉鼎等所糾之人或尙不止寶雞一縣已密札藩司溫承惠鳳邠道台裴音馳往寶雞汧陽一帶

會同王文湧一面安撫良民一面留心查訪如
並無餘犯卽不必再事苛求轉致激生他故如
尙有應行查拏之犯亦必須設法嚴密妥辦不
可過涉矜張

臣

又飛飭副將蕭福祿帶領兵勇

由寶雞繞道前赴大營俾經過地方百姓共見
兵威壯盛已將車舉鼎新起全股立時剿滅庶
奸宄各知震懾不致再生事端

臣

現在鳳縣暫

行紮營蕭福祿亦於初十日可到俟面詢蕭福祿如汧陽寶雞等處實可放心

臣

刻卽拔營追

剿冉逆賊匪查冉逆係於初八日竄出廢邱閣

臣於初八日二更後趕至鳳縣相距七十里

臣

已於初九日五鼓派委候補協領和興額叅將

羅全亮遊擊陳五輯劉滿貴郭洪都司邊奏凱

等先行趕往追剿並飛札總兵楊奎猷一體剿

辦實可不致貽悞奏入

上命軍機大臣傳諭長麟曰此次長麟在渭河以北
追賊聞知汧陽縣有新起賊匪一面將冉逆逼過
渭河一面飛飭蕭福祿趕赴汧陽相機剿辦將賊
首全行拏獲所辦俱好長麟係陝甘總督不能豫
行覺察本有應得之咎今一聞賊匪起事卽密派
蕭福祿迅往剿辦不致與冉逆合夥不但無過而

且有功著交部議敘並賞給玉搬指玻璃帶版玉
鼻烟壺大小荷包副將蕭福祿一接長麟密札卽
趕抵武家牛山分兵四路進剿首夥各匪立就殲
擒著賞給總兵銜仍交部從優議敘並賞給玻璃
搬指大小荷包著長麟查明該副將如未得有巴
圖魯名號卽奏明賞給至擒獲賊首賊目等之遊
擊張聯奎都司劉伏守備狄廷杰張聯甲五品軍

功譚恩六品藍翎軍功馬士貴六品軍功張鈺趙
經邦把總沈培武生蕭福真俱著超一等陞擢並
各賞給磁搬指小刀大小荷包又發去一兩重銀
牌一百五十面五錢重銀牌一百五十面著分賞
蕭福祿所帶出力兵丁以示鼓勵此外如尚有出
力人員並著長麟查明具奏再降恩旨汧陽縣知
縣祝大澄雖帶領鄉勇將首逆擒獲但該縣地方

聚集匪徒至二千餘人該縣平日竟毫無見聞且賊匪佔據山梁之時又並無隻字就近報知總督其咎甚重視大澄著革職拏問交陸有仁嚴訊起釁緣由按律定擬署寶雞縣李承道訪聞縣民王延楊居等糾約起事卽親帶壯勇前往查拏當卽拏獲二十五名不致與汧陽逆犯合夥該縣旣自行查出又能當時擒獲實屬能事李承道著於事

竣後送部引見所有汧陽竇難擒獲首夥各犯並
交陸有仁訊明起獲緣由分別按律懲辦至首逆
家屬自應緣坐其餘夥匪等家屬俱加恩免其緣
坐並著長麟出示曉諭以汧陽匪犯聚眾滋事官
兵一到立即殄平共計殲擒及跌斃者二千六七
百人其中起意首逆祇有四人其餘多係附和之
徒一朝失足自取滅亡可恨亦復可憫前經疊降

諭旨令各處居民幫同官兵剿賊懸立賞格現經
官兵收獲該匪等器械旗幟不下二千餘件若以
之幫助官兵併力殺賊不惟自保身家并可得官
受賞何苦蓄意謀逆致罹刑誅茲武振關等俱已
就擒所有家屬現經總督奏請無論首從按律緣
坐本應概予駢誅今仰體

上天好生之德俯念愚民無知誤蹈陷阱不忍戮及妻

孥祇將首逆家屬按律辦理其餘各犯家屬概免
緣坐此朕於無可赦宥之中特從寬典爾等具有
天良自當感激再生安分守法如此愷切曉諭更
可安反側而靖人心長麟俟汧陽寶雞等處民情
安帖仍當督同楊奎猷等遍剿冉逆以期迅速殲
除勿任該匪再行折回潛匿漏網

上命軍機大臣傳諭陸有仁曰此次汧陽匪犯武振

關等糾結起事至二千餘人之多假令陝省賊氛
尙熾之時武振關等聚衆助逆尙屬有因乃各股
賊匪疊經官兵剿殺不日即可蕩平武振關等豈
無聞見何以蓄意謀逆自趨死路且前次降旨令
各處居民幫同官兵禦賊懸立賞格該匪等既有
器械若殺賊立功不但仰邀重賞並可得受官職
何爲去順效逆罔顧身家殊不可解賊匪糾衆竊

發必有起事根由或係各股潰敗之賊潛行勾結
或該匪等本係邪教叢明孽滋事抑或地方多方派
累激而生變著該撫將以上指出情節詳細研鞫
務得起事確情審明後卽將武振關車舉鼎趙興
宗邢三德四逆凌遲處死家屬按律緣坐其餘賊
目王忠義等著分別辦理免其緣坐至武振關等
聚集二千餘人蓄謀已非一日乃汧陽縣祝大澄

毫無覺察雖經督率兵勇將首逆拏獲而平日未能整飭地方釀成重案其功不足抵罪如該匪起釁之由竟係祝大澄肆行科派逼成事端該撫務當研究明確據實定擬具奏再寶雞縣李承道拏獲首犯王延楊居等二十五名著交陸有仁一體嚴訊照汧陽之案止將爲首緣坐餘俱分別辦理此外有應行查拏之犯當分別妥辦固不可拖累

無辜亦不可疎脫首惡

欽定剿平三省邪匪方略正編卷二百四十四

辛酉年

三月十六日

壬辰

德楞泰奏言查龍逆竄走茅壩

一碗泉等處盡屬老林道路險仄陰雨滑濘復

有埋伏賊匪若我兵尾追仍係不能施展查左

手雞心嶺一路雖高峻三十餘里

臣

從前曾經

翻越若由此前進可截住徐家壩入楚之路惟

上下懸崖偏橋數處經該處民人盡行拆毀搭

架頗爲費力當有叅將馬應國都司袁陞侯生

請設法連夜辦理二十七日已刻據報修竣但

賊由一碗泉竄去若竟無兵尾擊又恐竄回隨

令已革總兵遊擊銜德英額等帶步兵八百餘

名跟蹤前去虛張聲勢

臣

統領大隊卽翻越雞

心嶺是日細雨連綿更後始抵三岔據報該逆

因雨阻滯仍在一碗泉長壩子二郎壩一帶據

掠茅壩老山向有埋伏賊匪查三岔一走廟壩
子道路稍寬一走五里壩崎嶇萬分步行亦須
攀援前進一走六桿溪翻山稍遠即可繞出二

郎壩

臣

令賽冲阿溫春色爾滾等帶領馬步兵

勇由廟壩子前進令馬瑜蒲尙佐等帶領步兵

由五里壩前進

臣

帶領阿穆勒塔侍衛達勒精

阿等由中路走六桿溪爲兩路策應二十八日

天氣晴朗三路官兵前後齊抵二郎壩據前隊
哨探千總史定川等拏獲賊探李尙文等三名
訊稱賊已由一碗泉長壩向西前竄前營僞元
帥唐明萬帶馬隊七八百人步隊三千餘人中
營僞元帥李顯必帶馬步隊五千餘人已過和
岡溪不過相離廿餘里後面老林內還有埋伏
一千餘人怕官兵趕來斷住後路等語

臣

卽帶

兵直趨和岡溪適賊匪前營中營業已進溝順
河上走後營之賊正在攻撲天平等寨遙見官
兵卽翻右邊大山奔逃

臣

令賽沖阿溫春色爾

滾等帶領步兵翻山追剿後營賊匪又探得老

林埋伏之賊尙未出山

臣

恐其乘空抄出我兵

後路隨令副將達自祥等帶領兵勇在和岡溪

溝口扼要堵截

臣

卽帶兵接續進溝溝內兩山

夾峙河水洶湧賊匪擁擠不開我兵分力攻殺
斃賊七八百名該匪等愍不畏死猶敢抵敵時
成都佐領練勇巴圖魯歡福斃賊多名箭已射
盡四川都司賈紹復外委鄭起高俱以力戰陣
亡臣督兵掩殺賊勢愈形潰亂有馬步賊匪爭
先奔竄者有徒手扒山而逃者有跳河淹斃者
臣察看光景其中難民居多卽傳令侍衛兵勇

等凡手無器械及婦女幼孩俱係被難百姓不
准殺傷維時賊衆紛紛丟棄刀矛者一千餘人
盡皆俯首就縛臣當令賽冲阿温春色爾滾等
帶領馬步兵勇追剿奔竄賊匪賽冲阿等正當
痛剿之際前營賊匪聞知中營賊衆被剿竟敢
回頭飛奔前來救援賽冲阿等帶領東三省馬
兵奮力馳擊斃賊四百數十餘名生擒六百餘

名嗣據探報後路老山內埋伏賊匪已由一碗

泉出我兵之後臣因恐達自祥等所帶俱係步

兵不能痛剿當將溫春調回同阿穆勒塔等帶

領馬隊二百名馳往接應達自祥等業已與賊

接仗時總理糧務候補知府徐兆伯候補縣丞

羅應庚候補典史李培秀帶領鄉勇護解糧餉

亦抵該處卽有騎馬賊匪數名往前直撲廣東

叅將堅勇巴圖魯唐玉龍卽單騎直入箭鏑賊
匪二名猝被矛傷陣亡典史李培秀被後面步
賊鎗傷陣亡適溫春阿穆勒塔慶昌等帶領馬
隊趕到慶昌首先衝殺箭傷賊匪數名德英額
帶領步隊兵勇亦由一碗泉老林尾追前來兩
面夾擊殺賊三百五六十名生擒二百餘名餘
匪四散翻山而逃其馬瑜蒲尙佐等帶領步隊

追剿後營賊匪翻越大山三重又殺賊三百餘
名生擒五百餘名時已將暮當卽將各路官兵
撤回至凉水井紮駐此次各路官兵共殺賊匪
一千八九百名生擒賊匪及大小男婦李大文
陳會武等共二千三百餘名口獲旗二百三十
四面大小礮七位鳥鎗刀矛千餘件騾馬共四
百五十七頭匹

臣

因賊匪被剿之際渙散藏匿

者甚多二十九日派令各營將備帶兵四出搜捕陸續又獲犯三百四十餘名查獲賊內有正賊自行割去髮辮假充難民者一時驟難訊辦

臣

令難民內老幼男婦遍加識認指出偽總兵

趙志成偽先鋒包萬才戴世榮探馬頭萬全楊盛良旗手宋仲效阮成貴鍾祖望周光明等九名並老賊戰手蔡於明等六百八十九名訊據

僉供原有一萬二三千人今被官兵緊剿不取
過湖北去想逃到老山裏來仍過陝西不料大
兵乘雨猝然又到殺傷逃失大半等語訊明後
將僞總兵趙志成等九名臠割致祭陣亡之唐
玉龍歡福賈紹復鄭起高李培秀等以慰忠魂
其夥匪蔡於明鄒建禹等六百八十九名亦卽
正法大小男婦難民除釋放附近之王明高等

二百五十四名口外其有陝省難民王廷魁等
男婦一千九十七名口川省難民何士龍等男
婦六百二十一名口均應釋放此項難民若不
妥爲安插必致流離失所或又去而從賊於剿
撫事宜大有關係是以臣卽就近飛調大寧場
遊擊劉貴朝鹽大使米喬齡酌帶兵勇前來將
難民解赴大寧縣交收又恐該署縣鍾蓮一人

辦理難周復飛調署夔州府鄭成基督同該縣
查明隸川省者分別遞回各州縣妥爲安插其
隸陝省者造冊委員解赴興安府分別照辦
亦將兩省難民造冊分咨勒保陸有仁以便查
辦再查二等待衛慶昌素爲奮勇茲又首先殺
賊多名尤爲出色之員可否仰懇

聖慈量加鼓勵又叅將唐玉龍佐領歡福都司賈紹

復外委鄭起高等均係打仗最爲得力之員陝
西候補典史李培秀幫辦糧餉亦著辛勤茲因
隨營入川猝被戕害情堪憫惻籲懇

鴻慈賜予卹典至此次打仗遊擊馬元千總李輝林
外委岳增藍翎甲兵奇成額均受石傷守備黃
鳳把總張萬林均受矛傷俱不甚重尙有陣亡
受傷兵勇數十名容俟查明另冊報部辦理現

探各逆西竄石壁山牛角溝其勢已趨太平縣
屬之黃墩臣仍卽趕前追剿奏入

上命軍機大臣傳諭德楞泰曰德楞泰前在漢江北
岸督兵會將著名首逆高二臨陣殲斃聲威素著
過江以來剿辦龍逆此次又復大獲勝仗所向克
捷並救出兩省難民一千餘人實屬可嘉著先交
部從優議叙並賞給玉搬指玉大吉四喜牌金銀

松石盒大小荷包提督賽冲阿帶兵馳擊擒戮多名甚爲出力著交部議敘並賞給瑪瑙搬指玉帶頭大小荷包二等待衛慶昌首先衝殺奮勇出衆著賞給喀爾巴巴圖魯名號仍著交部議敘並賞給瑪瑙搬指鑲嵌玉帶頭大小荷包又發去搬指搬指套牙籤袋小刀各十件著德楞泰分賞出力將弁又一兩重銀牌二百面五錢重銀牌二百面

分賞打仗出力兵丁以示獎勵此外如尙有出力人員並著德楞泰查明具奏據稱現在賊匪有西竄太平縣屬之勢看來龍逆被剿緊急自必逼竄川省德楞泰本係成都將軍在川督兵有年於道路情形最爲熟悉德楞泰卽當緊躡入川剿辦更易得手定可一鼓成擒所有此次陣亡成都佐領歡福廣東叅將唐玉龍四川都司賈紹復外委鄭

起高興史李培秀俱著咨部賜卹

上又命軍機大臣傳諭勒保達有仁曰本日德楞泰奏稱剿辦龍逆大股賊匪在一碗泉地方將賊衆痛加殲戮紛紛投出者不下千餘人此次投出難民訊係裹脅未入之人籍隸川省者委員解交川省各州縣安插隸陝者委員解交興安分別安插此等安插難民地方官若不妥爲經理伊等衣食

無資必仍去而從賊是撫綏難民最爲目前要務
勒保當督飭所屬認真綏輯以全良善而散賊黨
再從前匪徒往往將裹去良民面刺蓮花割去髮
辮以爲從賊記號使被裹良民不敢投出賊計最
爲狡猾曾經降旨以此等被賊刺面割辮之人如
果自行投出免其從賊之罪今德楞泰稱於擒獲
難民內查有正賊自行割去髮辮假充難民之事

詐僞百變尤爲可恨。勒保陸有仁應將此次所獲難民詳細分別。如有本係假充難民者。審明後仍當按律辦理。其實係難民必須督率地方官設法保護。分令各回原籍務期得所爲要。

同日陸有仁奏言。據探報高三馬五賊匪在南鄭西鄉邊界與前股敗殘餘匪合夥。約有七八百人。竄至花石梁等處。經提督楊遇春慶成帶

兵於木馬河大坪老溪溝一帶各斬獲數十人
餘匪分爲數股竄入南岔松坪及牛心河一帶
老林楊遇春及總兵九十副將楊芳帶兵分投
追截慶成卽自青石關探蹤前進合力會剿

臣

已飛飭地方官督率衆勇協同官兵搜捕以期
尅日淨盡又伍逆股匪竄至盤屋之細水河黃
柏園一帶已出老林漸趨西南洋縣交界總兵

穆克登布等帶兵由太白河二郎壩一帶追剿
又冉逆賊匪一股由甘省清水縣境折竄隴州
關山溝署都司張逢泰帶領防兵一百名前往
迎截因賊衆未能得手賊匪復由崇信縣境竄
至汧陽縣城相近之馮河街臬司王文湧督率
壯勇馳往轟擊賊疑大兵猝至卽紛紛亂竄折
向西南漸近涇州平涼一帶督臣長麟就近得

信當必帶兵截擊總兵楊奎猷前由唐藏馳往
日內亦必趕到臣已星飛知會囑其卽由北路

繞截以免擾及平原完善之區又龍紹周等股
賊匪竄至平利大寧交界之徐家壩黑虎廟一
帶叅贊德楞泰由雞心嶺等處星馳剿辦其紫
陽權河鐵佛寺等處竄匿零股賊匪尙在分投
滋擾德楞泰派合副都統慶溥總兵喜明等馳

回紫陽剿捕

臣

已先飭署知縣張占鼓勵各寨

紳士義勇前往相機協剿經畧額勒登保現在

西鄉卽由王黑壩一帶馳赴東路採蹤督剿所

有各路糧餉

臣

已隨時飛飭運供務俾源源接

濟再前蒙

賞撥贖東商捐餉銀三十萬兩查粵省距陝甚遠解
到尙需時日現在三月分各路軍餉無項供支

不得不通融挹注甘省例餉本係按季支發計
前此已解過銀一百數十萬兩足敷上半年支
放之需其餘積到銀兩自係備該省秋冬例餉
尚非急待支發

臣

一面札商長麟一面卽於續

到撥甘京餉內暫留銀三十萬兩以濟征兵現
在要需俟粵省商捐銀兩解到卽照數解還甘
省

陸有仁又奏言

臣

前因洵陽縣知縣薩玉衡捏

報高二賊匪過江情形並風聞安康縣知縣趙
廷麒稟報高三馬五賊匪過江亦有不實札飭
候補道李嗣就近嚴行查審欽奉

諭旨飭令研究確情具奏茲查洵陽賊匪過江一案
緣上年十一月二十八日高二股匪竄至大棕
溪地方先有賊人一夥頭戴翎頂詐稱係楊提

督前敵到南岸叫船過江時有彭萬順柯士齊
船二隻停住北岸因認係官兵喚渡緊急隨將
船隻撐過南岸渡送數人過江並有騎馬在淺
灘處淌過者嗣見一到北岸卽動手殺人彭萬
順等始知是賊當卽逃避賊匪又於北岸搶得
空船三四隻自爲撐駕接渡婦女幼孩一同北
竄迨該縣薩玉衡聞信趕來賊已遠去此當日

實在情形研訊船戶彭萬順等所供歷歷如繪
嚴詰不移又安康賊匪過江一案上年十二月
十八日高三馬五股匪竄至五塊石地方時已
三更騎馬賊匪數百人由淺灘偷過步賊數
千亦緊隨躡淺而過鄉勇猝被衝散賊匪搶得
北岸空船三四隻接渡南岸婦女維時該縣趙
廷麒正在城發運軍糧距五塊石一百三十里

接據鄉勇探報卽行具稟今李翩親至察訪當

日賊匪實非紮筏過江不敢稍有徇隱

臣

豈洵

陽縣薩玉衡於賊匪竄近時旣未將船隻全行

藏放又不將賊匪騙船過渡情節據實稟出咎

實難辭業經革職應毋庸議至安康縣趙廷麒

雖經查明賊匪過江並非紮筏尙無捏飾情弊

惟該處本有安設壯勇三百名趙廷麒旣未能

分身督率堵禦又未先期收淨船隻亦有應得
之咎該員業已奉

旨降爲巡檢典史應俟委辦結寨事宜完竣如果奮
勉出力再行酌量補用其洵陽船戶彭萬順等
係屬無知小民應免置議均奏入

上命軍機大臣傳諭陸有仁曰陸有仁奏甘省例餉
銀兩係備支秋冬之用陝省軍需緊要暫行截留

固屬通融辦理但不可如從前松筠台布等不自
行請撥餉銀屢將解川餉銀任意截留並不按時
照數解還歸款存此疆彼界之見陸有仁一俟粵
銀解到卽當如數歸還甘省又據奏查明洵陽安
康二縣賊匪偷渡過江一節洵陽縣薩玉衡旣未
將船隻全行藏收隱僻處所又不飭派妥役巡查
及賊匪假充官兵騙船過渡並不據實稟出其咎

甚重僅予革職不足蔽辜薩玉衡著發往軍臺効
力贖罪其安康縣趙廷麒於賊匪前渡尙無掙節
情事業經降用不必再行治罪船戶彭萬順等係
屬無知小民著加恩寬免

十七日癸巳長麟奏言臣前派委副將蕭福祿等

在汧陽縣武家半山子剿滅新起賊匪臣暫紮

鳳縣察看情形初十日據岐山縣稟報該縣民

人高文雅梁孝等亦有聽從匪徒車舉鼎糾約
入夥之信經該縣薛困勉先期訪聞帶領壯勇
前往密拏將高文雅梁孝二犯立時擒獲是此
案如車舉鼎等之佔據山梁已經叛逆者實已
全數剿滅淨盡其已被勾結尚未蠢動者以尙
未能盡絕根株並據鳳翔道台裴音副將蕭福
祿同日先後來營面稟沂陽寶雞一帶以本地

既有匪徒暗地勾結賢奸難辨民心未免不寧

據此情形臣若不親往安撫畧爲料理卽帶兵

遠去不能放心且蕭福祿等生擒之賊匪一千

餘人俱經點交王文湧審訊辦理亦須趕緊完

結臣一面飛催總兵楊奎猷及派委之叅將羅

全亮遊擊陳五輯等各率兵勇連夜趕追冉逆

賊匪不得任其奔竄蔓延查冉逆於初十日又

由碑亭溝折出竄近留壩江口我兵距賊不過

六七十里無難卽日趕上

臣

復恐道路紛歧賊

行迅速我兵或不能繞出其前又已飛札額勒

登保派在山內之總兵劉之仁遊擊綽克圖候

補通判雒昂等各帶兵勇迎頭攔截俾無遠竄

臣

卽於十一日起身兼程趕赴寶雞汧陽等處

先將良民妥爲安撫並將擒獲之各賊匪及寶

雞岐山續拏匪犯立時辦理完結仍於汧陽寶雞等處酌留兵弁派員彈壓

臣

卽帶兵由大峪

口子午峪一帶進山趕赴五郎鎮安一帶偵探

冉逆賊蹤由東向西迎擊如此辦理

臣

轉可繞

出賊前與楊奎猷等收兩面夾擊之效並可使寶雞汧陽一帶民情奠定奏入

上命軍機大臣傳諭長麟曰該省岐山縣民人高文

雅梁孝等亦有聽從汧陽匪徒車舉鼎等糾約入
夥之事當經該縣先期訪聞將該二犯立時擒獲
審辦長麟因汧陽寶雞尚有匪徒暗地勾結人心
未免不寧現在趕赴該處安撫彈壓所見甚是昨
因武振關等糾衆起事其附從夥匪爲數過多已
降旨不必概予緣坐並令出示曉諭今長麟親赴
該處著再遵照前旨明白宣示至岐山地方聽從

車舉鼎糾約入夥者恐不止現獲之高文雅等二
名著飭所屬嚴密查獲不可疎脫首惡尤不可拖
累無辜此爲最要再汧陽縣知縣祝大澄前已降
旨革職拿問長麟現已趕抵該處卽著親提詳加
審訊如別有激變情節更當據實嚴奏並將首逆
武振闢等嚴訊究出起事根由長麟一俟該處人
心鎮定仍應帶兵剿賊所有此案審辦事件或卽

督同王文湧辦竣或交陸有仁遵照前旨審擬具
奏長麟自應酌量辦理又冉逆一股昨經長麟奏
稱由黑河沔畧一帶入川茲據奏冉逆由碑亭溝
折出竄赴留壩江口長麟擬由子午峪趕赴五郎
鎮安一帶迎擊似冉逆一股又已入山辦理必致
費手所奏情形前後不符殊未明晰著長麟探明
冉逆究在何處該督帶兵於何日前往截剿隨時

馳奏以慰厘注

十八日

甲午

德楞泰奏言竊

臣

於前月二十八日

在大寧縣屬之和岡溪等處將龍紹周等股賊
匪大加痛剿因山內尚有藏匿匪衆二十九日
分兵搜捕卽行前進初二日抵黃花廟是夜三
更突有賊匪前來偷撲前敵副將李應貴遊擊
馬元營卡勢甚兇悍我兵鎗箭齊發並用礮轟

擊該匪愍不畏死猶敢攀扯鹿角當經賽冲阿
帶領吉林官兵突出抄截李應貴馬元亦卽帶
兵夾擊立殺賊匪一百餘名生擒三十七名賊
始敗逃我兵又斃賊二十餘名生擒九名兵勇
內亦有帶傷者隨訊據獲犯張俸等供稱此股
賊匪係辛聰並張士龍王士虎各餘黨共有二
三千人在川東被官兵殺敗逃到老山裡來要

由徐家壩到湖北去昨日派一千戰手前來渝
營要想擄掠驛馬好往湖北等語訊係正賊一

概正法

臣

恐該逆窺伺楚境初三日仍卽帶兵

逼向西南緊追酉刻趕上賊尾又殺賊百餘名

生擒周正榜等二十四名訊明後亦卽斬訖該

匪已翻界嶺向太平縣屬之後坪地方西竄距

楚境已遠初四日五鼓

臣

正擬帶兵取道黃墩

追剿龍逆又據哨探千總史定川等拏獲賊匪
李四海等三名前來訊據供稱龍逆等被官兵
殺敗逃到黑水河地方又怕官兵趕上商量將
人馬藏在老山裡上村地方唐元帥同新掛帥
之王如恂帶一千餘人走黃墩老林內由太平
轉到紫陽西鄉要引官兵追趕過去龍紹周帶
領大衆仍要由舊路翻一碗泉茅壩一帶到陝

西鎮平若湖北卡子可以銜過就由平利往安
康紫陽一帶與唐明萬會合等語當卽斬訖隨
將官兵暫紮桐油壩分遣兵勇前後確探去後
夜半據哨探回稟竄往黃墩之賊只有千餘人
六股賊匪於初四日由黃柏壩走至小玉河向
一碗泉茅壩回竄查龍逆素爲詭譎歷年以來
惟恃川陝邊界山內往來避匿是以官兵未能

痛剿此次又分股各竄牽綴官兵狡猾異常實
堪髮指該逆現在尚有六七千之衆較之各股
人數仍爲大股

臣

自應仍照前奏跟蹤剿除至

辛聰唐明萬等逆旣入太平該處俱係各逆往
來之地究在山內可無蔓延之患且城口尙有

副將蔣大榮等帶兵雖單

臣

業已飛札飭知該

副將會同主簿張雲漢彙集該處團勇就近堵

剿其時又據署慶州府鄭成基稟報大寧奉節
雲陽等處業經肅清勒保現已督同七十五等
前往東太一帶進剿尙幸聰等逆出山並可就
近兼顧

臣

亦已一併移咨勒保酌辦初五日

臣

卽帶兵由桐油壩折回初七日趕至一碗泉接
據湖北坐卡守備胡宗典稟報初六日黎明時
龍逆賊匪大隊衝破西密河都司鄧興相卡子

竄入楚境等語茲

臣

於初八日已趕抵楚境竹

谿縣屬之興隆坪探得該逆由王家山前竄或

至竹山或竄房縣其去向尙未據確報惟查龍

逆等賊衆被剿後實已畏懼之極故所竄俱係

老山箐林今該逆遁入楚境

臣

帶兵緊躡而進

楚省地勢較蜀之大寧太平老山稍爲平衍兵

馬更得施展適又奉到

諭旨以楚省徐添德大股賊匪已逼向西南而苟文
明李彬二逆尙在南山遊奕難保不折回東竄

臣現已追剿龍逆入楚如能卽日掃除淨盡自

當會同書麟長齡明亮等再將徐苟等逆或併

力剿除或逼過川陝以冀先將楚省肅清設或

龍逆被剿尙有餘匪未淨竄川入陝臣惟有隨

時相機剿辦務期於大局有濟奏入

上命軍機大臣傳諭德楞泰曰據奏帶兵趕剿龍逆
股匪已入楚境情形所辦尙好龍逆一股素稱謫
詐必須剿洗淨盡前經官兵痛加殲戮此次分股
各竄牽綴官兵仍由舊路折回竄入楚界若無官
兵追剿賊勢必復鴟張前此卽經降旨以目下楚
省情形視漢南爲尤重川東之賊又恐由大寧入
楚諭令德楞泰以先行肅清楚省爲要茲德楞泰

遵旨帶領勝兵緊蹙而進楚省地勢較曷之大寧
永平老山稍爲平行兵馬更易施展德楞額務當
倍加奮勉會同書麟等將龍紹周股匪殲除淨盡
俟剿竣龍逆後察看徐添德苟文明二股逆匪何
路相近卽相機馳往剿辦倘德楞額泰在楚剿辦一
時未能淨盡亦必趕緊追截斷不可任其在楚復
有蔓延若能將賊剿逼自東而西折回川境德楞

泰仍應遵照前旨緊躡賊蹤不予以暇方爲妥善
又據奏龍逆衝破之卡係屬西密河都司鄧興相
汛地當賊匪竄近西密河之時該都司何以並不
奮力堵禦致被賊匪衝破竄入楚境著德楞泰查
明該都司如係並未與賊接仗潛行避匿守卡兵
勇亦無防堵之人卽將鄧興相革職拿問嚴行辦
理如實係賊衆兵單未能力禦鄧興相亦有應得

之罪德楞泰帶兵入楚路過時卽可就近訊究若
追賊緊急已與西密河相去甚遠卽交書麟嚴審
定擬具奏